

Starfsmaður íbúaráða
Heimir Snær Guðmundsson
Mannréttindaskrifstofu Reykjavíkurborgar
Ráðhúsi Reykjavíkur

Reykjavík 5. mars 2021

Málefni: Fyrirspurn formanns íbúaráðs Laugardals vegna aukins hávaða frá Sundahöfn.

Faxaflóahöfnum barst fyrirspurn frá formanni íbúaráðs Laugardals þann 18. febrúar síðastliðinn um hvað valdið hefði auknum hávaða frá Sundahöfn undanfarna mánuði.

Faxaflóahafnir eru eigandi lands farmstöðvanna auk hafnarmannvirkja í Sundahöfn en lóðarhafar og aðrir þeir aðilar sem þar stunda starfsemi bera ábyrgð á sínum rekstri.

Á árinu 2020 fluttist meginþungi losunar og lestunar gámaflutningskipa Eimskips á nýjan bakka, Sundabakka, sem er talsvert fjær íbúðabyggð í Laugarásnum en Kleppsbakki. Á sama tíma var tekinn í notkun nýr rafknúinn löndunarkrani á Sundabakka.

Frá nóvember til desemberloka stóðu Faxaflóahafnir fyrir dýpkunarframkvæmd á Viðeyjarsundi. Dýpkunarskipið var að störfum allan sólarhringinn og gæti hafa skapast af því ónæði og hörnum við það, en þeirri framkvæmd er lokið.

Eimskip hafa jafnframt gengist við að hávaði hafi stafað frá gámflutningaskipi sem lá við Vatnagarðabakka á meðan á viðgerð á því stóð, á tímabilinu frá lokum desember til febrúarloka. Eimskip hefur jafnframt harmað það og viðurkennt að betur hefði verið hægt að standa að málum.

Hægt er að draga lærdóm af báðum atvikum og gera betur í framtíðinni. Að þessu frátöldu eru ekki neinar vísbendingar um vaxandi umsvif Faxaflóahafna eða flutningsaðila í Sundahöfn.

Heilbrigðiseftirlit Reykjavíkur hefur sett sig í samband við Faxaflóahafnir og komið því á framfæri að nokkur fjöldi kvartana hefði borist vegna hávaða frá Sundahafnarsvæðinu.

Í framhaldi af því var ákveðið að fela verkfræðistofunni Eflu að láta framkvæma hljóðmælingar á svæðinu og áttu þær mælingar að framkvæmast þegar skilyrði sköpuðust. Faxaflóahafnir hafa áður látið Eflu framkvæma hljóðmælingar vegna hávaða frá skipum í Sundahöfn. Það var gert árið 2016 svo ágæt gögn eru til um hljóðvist á svæðinu.

Þegar niðurstöður nýrra mælinga liggja fyrir verður farið yfir niðurstöðurnar með hlutaðeigandi aðilum auk Heilbrigðiseftirlits Reykjavíkur til að átta sig betur á rótum og umfangi vandans.

Faxaflóahafnir harma það ónæði sem orðið hefur og munu leggja sitt af mörkum til að greina vandann og leiða fram úrbætur ef ástæða reynist til. Á það má jafnframt benda að Faxaflóahafnir vinna nú að því verkefni, m.a. með flutningsaðilum í Sundahöfn, að landtengja þau gámaskip við rafmagn sem tekið geta á móti því. Landtengingar stærri skipa munu bæði minnka hávaða og bæta loftgæði frá því sem áður hefur verið. Að öðru leyti verður að vísa til þess að stærri rekstraraðilar á Sundahafnarsvæðinu starfa skv. starfsleyfi og undir eftirliti frá Heilbrigðiseftirliti Reykjavíkur og bera ábyrgð á sínum rekstri.

f.h. Faxaflóahafna sf.

Helgi Laxdal